

三國志注補

三國志注補卷六十一

仁和趙一清撰

吳志列傳第十六

注潛伏面著牀席不起涕泣縱橫哀咽不能自勝

何云潛是漢之叛臣此略之者已見楊戲輔臣贊下也江表傳爲不實

注卽遣潛將五千往果斬平之

方輿紀要卷八十軍山在常德府龍陽縣東八十里潘潛攻樊仙時屯兵於此因名

進封劉陽侯

方輿紀要卷八十瀏陽縣漢臨湘縣地三國吳析置屬長沙

郡

遷太常五谿蠻夷叛亂盤結權假濬節督諸軍討之信賞必行
法不可干斬首獲生蓋以萬數自是羣蠻衰弱一方寧靜

方輿紀要卷八十常德府武陵縣有臨沅城三國吳潘濬以
郡城大難固又築障城移郡治之水經沅水注酉水東逕沅
陵縣北又東南逕潘承明壘西承明討五谿蠻營軍所築也
長沙耆舊傳曰夏隆仕郡時潘濬南征太守遣隆修書致禮
濬飛帆中流力所不及隆乃於岸邊拔刀大呼指濬爲賊因
此被收濬奇其權變自通解縛賜以酒食

注加隲有名勢在所所媚

何云所字下宋本空一字

注先君昔因君侯當爲州里議主

因字何氏校改目

是以爲晉所伐

伐一本作代

何以專爲姦邪

何云宋本姦作佞

故鈔列於凱傳左云

此閭閻之人恨皓之虐思凱之愆私造此書以爲口實事辭俱無足徵陳氏錄之蓋其識卑也

枯骨不收而取埋之

何氏校作取而埋之

而陛下賞以重爵權以戰兵

權字當時何以不避

注臣間爲人主者攘災以德

攘疑作讓

以膺爲交州刺史

寰宇記卷百五十七廣州南海縣有葛蒲澗一名甘溪裴氏
廣州記葛蒲生盤石上水從山過味甘冷異於常流南越志
昔交州刺史陸膺之所開也至今重之每旦日輒傾州連汲
以充日用雖有井泉不足食
歲有舊風障氣之害

何云舊字當從冊府作暴

番禺許之璇初校

番禺陶邵學覆校

南海桂銘球再覆校

三國志注補卷六十一

三國志注補卷六十一

三廣雅書局

三國志注補卷六十二

仁和趙一清撰

吳志列傳第十七

是儀字子羽北海營陵人也本姓氏初爲縣吏後仕郡郡相孔融嘲儀言氏字民無上可改爲是乃遂改焉

何云古之氏族本出上賜漢吏皆成君臣未足深責

注徐眾評曰

眾當作爰

入闕省尙書事

何云宋本闕作關

注徐眾評曰

眾當作爰

注忠不陷君

陷何氏校改詔

南魯二宮初立

南宮吳太子宮也權傳赤烏十年二月適南宮是也

與是儀徐詳俱典軍國密事

吳地記吳主遣徐詳至魏魏太祖謂詳曰孤比者願齊橫江之津與孫將軍遊姑蘇之上獵長洲之苑吾志足矣對曰若越橫江而遊姑蘇是踵亡秦而躡夫差恐天下事去矣太祖笑曰徐生無乃逆詐乎

黃武八年夏黃龍見舉口

舉口宋書符瑞志作樊口非也舉口舉水入江之口春秋之
柏舉也字亦作汭見水經注卷三十五

加諸羌胡

諸字何氏校改以

凡自權統事諸文詔策命鄰國書符略皆綜之所造也

御覽卷八百五引胡綜別傳曰吳時掘得銅印以琉璃蓋蓋
布雲母於其上開之得玉白如意太子因問綜綜曰秦王以
金陵有天子氣象處處埋寶物以當王者之氣此卽是也隋
書經籍志胡綜集二卷

三國志注補卷六十二

番禺許之璇初校

番禺陶邵學覆校

南海桂銘球再覆校

三國志注補卷六十二

三國志注補卷六十三

仁和趙一清撰

吳志列傳第十八

範又白言歲在甲午劉備當得益州後呂岱從蜀還遇之白帝何云先主入蜀自葭萌還攻璋無緣復在白帝與岱相遇承祚蜀人宜知道里違錯故載之以見吳人僞妄耳

其占驗明審如此

晉書藝術傳載洋字國流吳興長城人年十二遇病死五日而蘇說死時天使以爲酒藏吏授符錄給吏從幡麾將上蓬萊崑崙積石太室恆廬衡等諸山旣而遣歸逢一老父謂之曰汝後當得道爲貴人所識及長遂善風角爲人短陋無風

望然好道術妙解占候卜數吳末爲臺吏知吳亡託病不仕及吳平還鄉里後行至瀨鄉經老子祠皆是洋昔死時所見使處但不復見昔物耳因問守藏應鳳曰去二十餘年嘗有人乘馬東行過老君而不下馬未達權墜馬死者不鳳言有之所問之事多與洋同

數從訪問欲知其決

何云御覽決作訣隋書經籍志吳範撰麻術一卷黃帝四神麻一卷黃帝出軍雜用決十二卷風氣占軍決勝戰二卷

素與魏滕同邑相善

何云陳琳檄文作魏周榮吳夫人傳注作魏滕

及發達棺無所得法術絕焉

寰宇記卷一百七饒州鄱陽縣有螺洲一名鼈在舊縣東三里鄱陽記云吳太平二年大饑猛獸害人孫權使趙達占之曰天地山川如人四體患飢灸腳其疾卽愈而鄱陽水口暴起一洲形如鼈可食此郡風氣宜祀以太牢掘其背其掘處今猶存焉一清案太平爲孫亮紀年孫權薨於太元二年達又卒於權薨之前此有誤

注吳錄曰皇象字休明廣陵江都人幼工書

寰宇記卷九十折石岡在昇州江寧縣南二十里有大碣石折爲三段故以名岡卽吳皇象書碣也

注孤城鄭姬能相人

寰宇記卷九十四湖州烏程南十八里有吳孤城吳時鄭姬

善相人者居此春申君黃歇立菰城青樓連延十里

注晉陽秋曰吳有葛衡字思真明達天官能爲機巧作渾天使地居於中以機動之天轉而地止以上應晷度

晉天文志漢順帝時張衡制渾象其後陸續亦造渾象至吳時中常侍廬江王蕃傳劉洪乾象麻依其法而制渾儀與衡時相後先然渾天之制當始於衡

然君子算後心神

何云宋本算作等

注抱朴子曰時有葛仙公者

晉書葛洪傳洪字稚川丹陽句容人祖系吳大鴻臚父悌吳平後入晉爲邵陵太守洪好神仙導養之法從祖元吳時學

道得仙號曰葛仙公以其煉丹秘術授弟子鄭隱洪就隱學
悉得其法凡所著撰皆精覈是非而才章富贍自號抱朴子
因以名書隋經籍志老子序次一卷葛仙公撰

注乃殺鵝而埋於苑中築小屋

築一本作架

注于時吳使張溫先在蜀既於市中相識甚驚便作書寄其家
張溫使蜀時權未稱帝何云陛下且正當魏軍頻出廣陵洞
口權亦不在武昌也且事與魏志所載相似總屬妄誕耳

番禺許之璠初校

番禺陶邵學覆校

南海桂銘球再覆校

三國志注補卷六十四

仁和趙一清撰

吳志列傳第十九

注江表傳曰恪少有才名發藻岐疑辯論應機莫與爲對權見而奇之

御覽卷八百三十引諸葛元遜傳曰對南陽韓文晁誤呼其父字晁難之曰何人子前呼人父字是禮乎諸葛笑容曰向天穿針而不見天何者不輕天意有所在耳卽罰文晁酒一杯世說諸葛瑾爲豫州遣別駕到臺語云小兒知談卿可與語連往詣恪恪不與相見後與張輔吳坐中相遇別駕喚恪咄咄郎君恪因嘲之曰豫州亂矣何咄咄之有荅曰君明臣

賢未聞其亂恪曰昔唐堯在上四凶在下咎曰非惟四凶亦有丹朱於是一座大笑

此諸葛恪雅好騎乘還告丞相為致好馬

御覽卷八百九十四引吳書曰諸葛恪為將伐蜀未至上謂使曰元遜為將軍若還蜀可報丞相為致佳馬一清案恪未嘗為將伐蜀當從本志為得

注禕嘲之曰

何云宋本嘲作嘲

權拜恪撫越將軍領丹陽太守

御覽卷八百六十六引異苑曰諸葛恪為丹陽太守出獵兩山之間有物如小兒伸手引人恪令民去故地參佐問之恪

曰此事在白澤圖曰兩山之間有神如小兒名曰倏諸人未之見也何云張溫未竟之續元遜收之

乃移書四部屬城長吏

何云御覽部作郡當作四郡卽上所謂與四郡鄰接也

曰陽長朝伉得降民周遣

曰陽未知何郡屬亦不詳其處所

伉縛送言府

言字何氏校改官

復遠遣斥倏觀相徑要欲圖壽春權以爲不可

方輿紀要卷二十六吳廬江太守治皖城安慶府西十五里有皖口鎮格所屯也何云以爲不可者蓋以此地南北襟喉

雖得其地非十萬之眾不足屯守若魏傾國來爭恐致利鈍
其後恪出新城欲卒此規又輕用大眾圖不以漸遂致師老
民愁家族傾覆

於是徙恪屯於柴桑

晉書宣帝紀先是吳遣將諸葛恪屯皖邊鄙苦之正始四年
九月帝督諸軍擊恪軍次於舒恪燒積聚棄城而遁

注峻以當今朝臣皆莫及遂固保之乃徵恪

困學紀聞云孫峻薦諸葛恪可付大事而恪終死於峻之手
易曰比之無首無所終也漢昭烈託孤於孔明而權託孤於
恪劉孫之優劣見矣

築東興隄遏湖水後征淮南敗以內船由是廢不復修

水經沔水注江水自濡須口又東左會柵口水柵水又東南積而爲竇湖又東逕右塘穴北爲中塘塘卽東興隄也方輿紀要卷三十六東關在無爲州巢縣東南三十里卽濡須山麓也又西關在縣東南三十里七寶山上三國時爲吳魏相持之要地七寶山與濡須山對峙相距十里魏人築西關於此以距吳濡須水口亦曰柵江口東關之南岸吳築城西關之北岸魏置柵

明春復欲出軍

明下一本有年字

自本以來

本字疑誤

欲劓頸謝責靈有補邪

何云頸一本作頭此用沈尹戊事

恪驚起拔劍未得而峻刀交下

御覽卷百七十九引建康宮闕簿曰建業宮有迎風觀在縣南十五里孫峻殺諸葛恪於此

注婢蹙然起躍頭至字棟

字一本作干

注費禕時爲元帥荷國任重而與來敏圍基意無厭倦

何云任重一本作重任

注況長靈以爲君子臨事而懼好謀而成者

困學紀聞云況長靈未詳其人蓋蜀人也廣韻引何氏姓苑

有況姓廬江人

成子闇者反語石子岡也

宋書五行志孫亮初童謠曰吁汝恪何若若蘆葦單衣葢鉤
絡於何相求楊子闇楊子闇者反語石子岡也

注吳錄曰恪時年五十一

隋書經籍志梁有諸葛子五卷諸葛恪撰

峻遣騎督劉承追斬竦於白都

承當作丞寰宇記卷九十白都山在昇州江寧縣西南八十
里西臨大江昔有白仲都於此山學道白日飛昇因以爲名
友字文梯豫章人也

搜神記聶友新淦人少好射獵見一白鹿射之中尋踪血盡

不知所在飢困臥樟樹下仰見所射鹿箭著樹枝怪之於是
還家賣糧命子弟持斧伐之樹有血遂截爲二板牽置陂中
常沈時復浮出友欲迎賓客常乘此板或於中流欲沒客大
懼友呵之復浮仕宦如願位至丹陽太守其板復忽隨至石
頭友驚曰此陂中板來必有意因解職還家二板挾兩邊一
日至自爾後板出或爲凶禍今新淦北二十里餘曰封谿有
聶友截樟樹板戕柯處御覽卷百五十七引豫章記曰封谿
有聶友所用樟木戕柯者遂生爲樹今猶存其木合抱始倒
置植之枝葉皆垂下寰宇記一百九吉州安福縣有聶友祠
墓

注爲書與豫章太守謝斐

晉書謝沈傳沈字行思會稽山陰人曾祖斐吳豫章太守父
秀吳翼正都尉

注足申創愈以得差步

何云宋本差作蹉

注遂被試用有戰功

何云宋本有上有累字

是歲蜀使來聘將軍孫儀孫邵繇等

邵繇當作怡林以孫亮傳校改

自江都入淮泗

方輿紀要卷二十三江都城在揚州府西南四十里漢縣治

此三國魏廢

遣從兄慮將兵遂據於江都

慮當作憲以孫亮傳校改下同

注融子譚黃門郎與融并見害次子譚以才辨稱晉秘書監
晉書華譚傳祖融吳左將軍錄尚書事父譚吳黃門郎據此
傳則譚是融之次子與史異

將士見公出必委縑就公

何云宋本必下有皆字

拒異於陽淵

方輿紀要卷二十一陽淵卽陽泉亦卽滿寵傳之陽宜口也
在壽州霍邱縣西八十里

縑於是大發卒出屯鑊里

方輿紀要卷二十四 錢里在無爲州巢縣西北濱巢湖

異屯黎漿

方輿紀要卷二十一 都陸城在安豐縣南漢博鄉縣屬九江郡王莽改曰楊陸後漢省晉書地道記云都陸在黎漿南詭道襲都陸盡焚異資糧

晉書文帝紀異之餘卒餒甚食葛葉而遁

遣弟恩殺劉承於蒼龍門外

前後劉承字俱當作承

注孫盛曰亮傳稱亮少聰惠

惠字何氏校作慧

尙書桓彝不肯署名

困學紀聞云吳有桓彝晉亦有桓彝此忠臣名氏之同者
陛下聖德慕承大統

慕乃篡之譏

以縑首令其眾曰諸與縑同謀皆赦

還冤記徐光嘗過孫縑門褰衣而趨左右唾踐或問其故荅
曰流血臭腥不可耐縑聞而殺之斬其首無血及縑廢幼帝
更立景帝將拜陵上車車爲之傾因顧見徐光在松柏樹上
指揮嗤笑之縑問侍從無見者縑惡之俄而景帝誅縑

皓既踐阼加興侍郎

何云宋本郎作中

番禺許之璣初校

番禺陶邵學覆校

南海桂銘球再覆校

三國志注補卷六十四

三國志注補卷六十五

仁和趙一清撰

吳志列傳第二十

王蕃字永元廬江人也博覽多聞兼通術藝

何云永元傳劉洪乾象厯依乾象法而制渾儀立論考度具載宗書天文志今此注失采

孫皓初復入爲常侍

方輿紀要卷九十七建安城今建寧府城也志云三國吳永安三年郡守王蕃始築城於溪南覆船山下一清案本傳不言蕃爲建安守也

注卽於殿上斬蕃出登來山

來山水經注作袁山卽樊山也

蕃死年三十九

隋書經籍志渾天象注一卷吳王蕃撰

注卽宣詔致藥云陰知之

云乃玄之譌

賀邵字興伯會稽山陰人也

御覽卷三百八十九引會稽典錄曰賀邵善容止正其衣冠
尊其瞻視動靜有常與人交久益敬之至於宮府左右莫見
其跣坐常著襪希見其足晉書儒林傳范平字子安錢塘人
研覽墳索遍該民氏姚信賀邵之徒皆從受業太康中卒詔
加諡號曰文貞先生賀循勒碑紀其德行

注吳書曰邵賀齊之孫景之子

何云景賀齊之弟邵乃從子非孫也吳書誤

出爲吳郡太守孫皓時爲左典軍遷中書令領太子太傅

世說賀太傅作吳郡初不出門吳中諸彊族輕之乃題府門曰會稽雞不能噉賀聞故出行至門反顧索筆足之曰不可噉殺吳兒於是至諸屯邸檢校諸顧陸役使官兵及臧逋亡悉以事言上罪者甚眾陸抗時爲江陵都督故下請孫皓然後得釋

人魏反理之評

魏一本作執

飲之醕酒

醕字何氏校改醜

如是之輩

何云宋本是作定

中宮內豎

何氏校作中宮內豎

衣不全短褐

短字何氏校作短

近劉氏據三關之險

方輿紀要卷五十六引張萱漢南記蜀有陽平關白水關江

關是爲三關者也

邵卒無一語竟見殺害

晉書賀循傳元帝與循言及吳時事問孫皓常燒鋸截一賀頭是誰循未及言帝悟曰是賀邵也循流涕曰先父遭遇無道創巨痛深無以上荅帝甚愧之三日不出

注石沐破揚州

石冰見晉書賀循傳沐字誤

注於是江東豪右

何云宋本是作時

少好學能屬文

晉書樂志吳使韋昭制十二曲名以述功德受命宋樂志何承天曰世咸傳吳朝無雅樂案孫皓迎父喪惟云倡伎晝夜不息則無金石登哥可知矣承天曰或云今之神絃孫氏以

爲宗朝登哥也史臣案陸機孫權誅肆夏在廟雲翹承機不
容虛設此言又聿昭孫休世上鼓吹饒哥十二曲考曰當付
樂官善哥者習哥然則吳朝非無樂官善哥者乃能以哥辭
被絲管靈容止以神絃爲廟樂而已乎隋禮儀志聿昭著西
蠶頌則孫氏亦有其禮

歷觀古今立功名之士

文選無立字

勞身苦體

身文選作神

以作洞紀起自庖犧至於秦漢凡爲三卷當起黃武以來別作

一卷

隋書經籍志云洞紀四卷記庖犧以來至漢建安二十七年
又作官職訓及辨釋各一卷

隋書志韋昭撰有毛詩苔雜問七卷春秋外傳國語注二十
二卷孝經解讀一卷漢書音義七卷又集二卷錄一卷

非得良才爲曜者實不可使闕不朽之書

隋書志尙書王氏傳問二卷尙書義二卷范順問吳太尉劉
毅苔又吳書二十五卷韋昭撰本五十五卷梁有今殘缺
皓不許遂誅曜

寰宇記卷八十九韋昭墓在潤州延陵縣西南七里

始爲上虞尉典農都尉

尉字何氏校衍

西境報險

何云宋本報作艱

抱火臥薪之喻於今而急

何云冊府而作爲

至如他餘鑑介之妖

何氏校改如作於

討之則廢役興事不討日月滋慢

何云冊府討下有則字慢作蔓

乞更選英賢聞之

聞字疑誤

而王失其三望者

王一本作主

曜覈所論事章疏咸傳於世也

隋書經籍志華覈集五卷錄一卷

賀邵志厲高潔

何云御覽高作貞

番禺許之璇初校

番禺陶邵學覆校

南海桂銘球再覆校

廣雅書局刊本三國志注補遺

余于南京龍蟠里江蘇省立國學圖書館得見錢唐丁氏八千卷樓舊藏仁和趙一清撰三國志注補稿本卷前有會稽陶文沖濬宣題記據知今通行廣雅刊本注補即據是稿本節刻與補無關之志文或注不刻而濬宣及陽湖吳翊寅實先後任校讐之役稿本眉端校語簽識今猶爛如也余以校刊本發見稿本中補文之不見于刊本者甚多或由校者刪除或係寫官誤遺校者所刪除皆趙氏所採前人空論吾人固不必重拾棄滓寫官所誤遺則皆校所不刪而有關於考證故輯錄之以爲刊本補遺云

安岳陶元珍識

魏志武帝紀

注少除黃門從官

注補稿曰（上略）一清案曹節四子騰最少不得更有弟或是其兄然乞養之家子弟亦無定也（然字以下刊脫）

注黃門常侍貴族滅矣

注補稿曰何云貴改真字從通鑑

冬十二月始起兵於己吾

注補稿曰續郡國志

稿原作後漢書郡國志茲從校改後仿此

陳畱郡己吾水

經陰溝水注云陳畱風俗傳曰縣故宋也雜以陳楚之地

故梁國寧陵縣之徙種龍鄉也以成哀之世戶至八九千

冠帶之徒求置縣矣永元十一年陳王削地以大棘鄉直

陽鄉十二年自臨隸之命以嘉名曰己吾

初平元年

注補稿曰續五行志

稿原作後漢書五行志茲從校改後仿此

初平元年八月

霸橋災其後三年董卓見殺

春正月後將軍袁術

注補稿曰續百官志

稿原作後漢書百官志茲從校改後仿此

前後左右雜號

將軍皆主征伐事訖皆罷

推紹爲盟主太祖行奮武將軍

注補稿曰宋書禮志晉國子監祭酒袁瓌太常馮懷疏曰

昔魏武身親介冑務在武功猶向息鞿披覽投戈吟咏庾

亮置學官教曰魏武於馳騫之時以馬上爲家逮于建安

之末風塵未弭然猶畱心遠覽大學興業所謂顛沛必于是真通才也

二月

注補稿曰續五行志二月壬辰白虹貫日

卓兵彊紹等莫敢先進

注補稿曰續五行志注引英雄記曰京師謠歌咸言河臘叢進獻帝臘日生也風俗通曰烏臘烏臘按逆臣董卓滔天虐民窮凶極惡關東舉兵欲共誅之轉相顧望莫肯先進處處停兵數十萬若烏臘蟲相隨橫取之矣

二年春

注補稿曰續五行志二月長安宣平城門外屋無故自壞

又擊匈奴於夫羅於內黃

注補稿曰漢書地理志魏郡內黃後漢書南匈奴傳注於夫羅卽是前趙劉之祖也

太祖曰布一旦得一州不能據東平斷亢父泰山之道乘險要我

注補稿曰續郡國志東平國故梁景帝別爲濟東國宣帝爲東平國屬縣亢父又章帝分東平爲任城國亢父屬任城

八年

注補稿曰(上略)續百官志注引獻帝起居注曰建安八年議郎衛林爲公車司馬令位隨將大夫舊公車令與都

官長史位從將大夫自林始（下略）

尙夜遁保祁山

注補稿曰祁山在相州安陽縣武侯所謂危于祁連者也

注鵠卒以改書至選部尙書

注補稿曰續百官志注引蔡質漢儀曰吏曹尙書典選舉齋祀晉書職官志靈帝以侍中梁鵠爲選部尙書於此始

見魏改選部爲吏部主選部事

十五年春

注補稿曰續五行志二月乙巳朔日有蝕之

十八年詔書并十四州復爲九州

注補稿曰後漢書獻帝紀注引獻帝春秋曰時省幽并州

以其郡國并於冀州省司隸校尉及涼州以其郡國并爲雍州省兗州并荊州益州于是有兗豫青徐荆揚冀益雍九數雖同而禹貢無益州有梁州然梁益亦一地也一清案續郡國志首司隸次豫冀兗徐青荆揚益涼并幽而以交州終焉合得十三州此云十四州已爲參錯且兗州亦未嘗省也十三州之中獨不及交豈即兗州之訛歟蓋十四州當數雍州建安中分涼州置見晉書地理志

注鄭玄曰爰於也安隱於其衆也

注補稿曰姜云隱即穩字

注須奏樂畢竟似若不愆烈祖遲祭不速訖也

注補稿曰何云不字疑衍

注捨騏驎而弗乘焉遑遑而更求哉

注補稿曰遺杜子緒鎮長安亦有此一語

文帝紀

注因瑞應之備至聽厯數之所在遂獻璽綬

注補稿曰自彰纂謂之曰獻

注臣松之按芳林園即今華林園

注補稿曰晉書職官志有華林令屬大鴻臚

丁巳帝崩于嘉福殿

注補稿曰晉書五行志黃初二年禿鷲集洛陽芳林園池
七年又集其夏帝崩又禮志魏氏故事國有大喪羣臣凶
服以帛爲綬囊以布爲劍衣宋禮志文帝崩太尉鍾繇告

謚南郊

明帝紀

注我基於爾二世矣

注補稿曰一一本作三

帝曰權習水戰所以敢下船陸攻者

注補稿曰以上岸爲下船

注顧愷之啓蒙注曰魏時人有開周王家者得殉葬女子經數日而有氣數月而能語年可二十送詣京師郭太后愛養之十餘年太后崩哀思哭泣一年餘而死

注補稿曰事亦見博物志云是發前漢宮人家

二年春正月詔太尉司馬宣王帥衆討遼東

注補稿曰寰宇記卷六十三深州饒陽縣有州理城晉魯
口城也公孫淵叛司馬宣王征之鑿滹沱入泃水以運糧
因築此城蓋滹沱水有魯沱之名因號魯口一清案建安
十一年太祖鑿渠自滹沱入泃水名平虜渠則不始于懿
特更修治之耳又方輿紀要卷三十六山東登州府黃縣
東北二十里有大入城司馬懿伐遼東將運糧入新羅築
此城貯之以大入爲名元和志作大人城

注其爲固防

注補稿曰晉書何曾傳開作國

三少帝紀

注至是西域使至而獻火浣布焉於是刊滅此論而天下笑

之

注補稿曰水經穀水注云魏太學石經樹於堂西石長八尺廣四尺列石於其下碑石四十八枚廣三十丈魏文帝又刊典論六碑附於其次何氏云列子湯問篇云皇子以爲無此物傳之者妄蕭叔曰皇子果於自信果於誣理哉以魏文之多識豈其忘此而著論以明其不然耶

注諸葛瑾步驚寇相中

注補稿曰水經沔水注零水即汭水上通梁州沔陽縣之默城山司馬懿出相之所由方輿紀要卷七十九八疊山在襄陽府南漳縣東南六十里司馬懿鑿山開道屈曲八疊因名一名相山自八疊而西北山谿阻險古所謂相中

也裴注引襄陽記解相中在朱然傳

注劉於堅城之下

注補稿曰劉一作挫

嘉平元年春正月甲午

注補稿曰晉書天文志嘉平元年正月甲午太白襲月宣
帝奏永寧太后廢曹爽等宋書五行志嘉平元年二月己
未日有蝕之

注內寵沈漫

注補稿曰晉書景帝紀漫作嫚

注臣等憂懼恐覆天下

注補稿曰恐一本作傾

庄少康生於滅亡之餘

注補稿曰太平御覽卷八十二卷九十四餘皆作後一本亦是後字

注有潰腹子以丁卯日生而玄以丁卯歲生故名曰小同

注補稿曰後漢書鄭玄傳玄以其手文似己名之曰小同注鄭玄注文王世子曰二老五更各一人皆年老更事致仕者也注梁記曰皆老更知二德五事者也

注補稿曰寰宇記卷二十二沂州費縣南城山後漢鄭玄漢末遭黃巾之難客於徐州今孝經序鄭氏所作其序云僕避難於南城山棲遲巖石之下述夫子之志而注孝經今西上可二里許有石室焉周迴五丈俗云鄭康成注孝

經于此一清案今注疏力辯康成未嘗注孝經其驗有十
二而原序如此似不可誣也宜乎荀景范蔚宗篤信舊注
不以爲非

吾語大將軍不可不廢之前後數次

注補稿曰何云宋本次作十

開示大計兵臨合浦

注補稿曰兩漢志合浦郡合浦

后妃傳

注又私迎之延以上坐

注補稿曰上一本作正

黃初七年進封開陽侯邑千二百戶爲昭烈將軍

注補稿曰此是雜號將軍後漢晉宋志所無者

注其稱卞甄諸后言行之善皆難以實論

注補稿曰宋本論作錄

董卓傳

諸阿附卓者皆下獄死

注補稿曰後漢書獻帝紀三年四月辛巳誅董卓遣使者

張种撫慰山東

袁術傳

子燿

注補稿曰後漢書袁術傳作曜

劉表傳

將軍自料何與劉備

注補稿曰與疑作如

注言自中興以來荊州獨全

注補稿曰興似當作平

呂布傳

布有良馬曰赤兔

注補稿曰後漢書呂布傳能馳城飛塹

布因指備曰是兒最叵信者

注補稿曰後漢書呂布傳大耳兒最叵信

注舊典文章莫不貫綜

注補稿曰綜一作習

臧洪傳

本因行役寇竊大州

注補稿曰寇後漢書臧洪傳作遂

公孫瓚傳

瓚具米肉於北芒上祭先人

注補稿曰遼西亦有北芒

注自號爲伯三人者爲仲叔季

注補稿曰何云三人者上北宋本有謂字

注懼於飛矢迸流狂刀橫集

注補稿曰刀一作刃

注袁紹分部攻者

注補稿曰何氏云分部當作部分

注紹悉送其首於許

注補稿曰何云瓚詔書所購故送首

公孫度傳

注加仕本部

注補稿曰部一作郡

注二敵窺闕

注補稿曰闕一作闕

張魯傳

注漢中破詣太祖降皆復官爵

注補稿曰何云此屬皆大亂之時塢壁自保因爲雄長者

也金末封建九公亦因而用之之法力不能平反假以祿位使爲扞禦也

夏侯惇傳

惇輕車往赴

注補稿曰車當作軍

注宜擇惇近屬劭封之

注補稿曰劭當作紹

曹仁傳

子泰嗣官至鎮東將軍假節轉封甯陵侯

注補稿曰甯陵即寧陵

純麾下騎斬譚首級北征二郡

注補稿曰級一本作及屬下句

曹休傳

備遺張飛屯固山

注補稿曰方輿紀要卷五十九固山在鞏昌府成縣東南

曹真傳

明年即位

注補稿曰年乃帝字之譌

夏侯尚傳

今之長吏皆君吏民橫

注補稿曰此語有誤

故刺史稱傳車其吏言從事居無常治吏不成臣其後轉更

爲官司耳

注補稿曰何云懿之意蓋云無變官制但刺史所察止于六條循漢之初意則亦無重累之患郡守以總率令長古有監牧亦不可盡去也

注卿爲令史責人也

注補稿曰責當作貴

注猛子式字儀祖有才幹至濮陽內史平原太守

注補稿曰世說注引晉陽秋曰許詢字玄度高陽人魏中領軍允玄孫總角秀惠衆稱神童長而風情簡素司徒掾辟不就早卒

荀彧傳

誠因此時奉上以從民望

注補稿曰一本奉下有主字

注乃錄爲鼓吏

注補稿曰後漢書彌衡傳吏作史

荀攸傳

注孟軻稱五百年而有王者與其間必有命世者

注補稿曰命當作名

賈詡傳

注蜀中一日數十驚劉備雖斬之不能止

注補稿曰斬之下一本有而字

袁渙傳

魏國初建郎中令

注補稿曰郎上一本有爲字

涼茂傳

少好學論議常據經典以處是非

注補稿曰北宋本常作多

田疇傳

太祖北征烏丸未至先遣使辟疇又命田預喻指

注補稿曰預與豫同

注與王脩哭袁譚貌同而心異也

注補稿曰疇自報烏丸耳

注外議雖善爲復使命司隸以決之

注補稿曰命一本作令

注于貢贖人而辭不取金

注補稿曰取字何氏校改受

管寧傳

注信行著於鄉鄰

注補稿曰鄰一本作黨

崔琰傳

注後數日吏故曰琰平安

注補稿曰何氏校改曰爲白

注即如卿諸人良足貴乎

注補稿曰案陳長文爲人輕薄如此況玄伯乎

注又言若遭饑謹

注補稿曰謹乃謹字之譌

華歆傳

歆求出爲下邳令

注補稿曰漢志京兆尹下邳

注閔步出武關

注補稿曰閔一本作閒

王朗傳

注獨與老母共乘一櫬

注補稿曰櫬音禮小船

程昱傳

瓚亦遣從事范方將騎助岱

注補稿曰晉書儒林傳范隆字玄嵩雁門人父方魏雁門

太守

注君非徒明於軍計又善處人父子之間

注補稿曰何云計下宋本有也字

注由是失朝望故位不至公

注補稿曰何云此語多妄未可信

郭嘉傳

注紹有十敗公有十勝雖兵彊無能爲也

注補稿曰何云何其與文若語脗合也恐是一人語而史

兩傳之

注今備有英雄名以窮歸己而害之是以害賢爲名則智士將自疑

注補稿曰何云宋本智作志

注臣松之按武紀決計征備

注補稿曰何云決計上宋本有太祖二字

注自嘉料孫策輕佻

注補稿曰自宋本作臣

董昭傳

凡此諸事皆法之所不取

注補稿曰不當作必

劉擘傳

注今備已怒故興兵擊吳

注補稿曰已與以通

注官輕執卑士民有畏中國心不可彊逼與成所謀也

注補稿曰逼一本作迫

注我信其僞降就封殖之榮其位號

注補稿曰榮一本作崇

周王所以上祖后稷自以其佐唐有功

注補稿曰一本自作者是也

蔣濟傳

太祖聞之指有令與左將軍于禁沛相封仁等曰

注補稿曰指字衍

事不可不曉吾前決謂分卒燒船於山陽池中

注補稿曰卒乃半之譌何云分當作扶問切自料大半如此也通鑑注作分半船誤

吳欲塞夾口

注補稿曰一本口作石

弊劫之民

注補稿曰何云劫居胃切力乏也

注降黜太祖不配正天

注補稿曰當作不正配天

劉放傳

出爲郟陽校翔贊令

注補稿曰贊即鄴也前漢書地理志南陽郡鄴孟康曰音讚師古曰卽薰何所封在今湖廣襄陽府光化縣東北四十里沛郡鄴應劭曰音嗟師古曰此縣本爲鄴應音是也中古以來借鄴字爲之耳讀皆爲鄴而莽呼爲贊治則此縣亦有贊音在今河南歸德府永城縣西南放之所爲未知孰是

注洞浦殺萬人得船千萬

注補稿曰千疑作十

梁習傳

注悌差挾儒術所在名爲閑省

注補稿曰薛悌見張遼傳

張既傳

注既世單家富

注補稿曰富字衍

注試呼相者相之

注補稿曰何云者字宋本作工

賈逵傳

注乃夜盜往引出折械遺去不語其名姓

注補稿曰何云北宋本作姓名

注逵受教謂其同寮三主簿曰余實不可出

注補稿曰余一本作今

注孚爲諸生當種薤欲以成計

注補稿曰當宜作嘗

注不以私計介意又不肯以事責人

注補稿曰責一本作實

評曰自漢季以來刺史總統諸郡

注補稿曰何云北宋本總作部

杜畿傳

惡人分散各還其家則衆離矣

注補稿曰通鑑則作賊

以武皇帝之節儉府藏充實猶不能十州擁兵郡且二十也

注補稿曰何云宋本作十二

鄭渾傳

注然中國自光武以來無雞鳴犬吠之驚

注補稿曰驚一本作警

所育男女多以鄭爲字

注補稿曰御覽卷二百六十七字作名

倉慈傳

注出爲弘農太守所在清如冰雪妻子希至官省

注補稿曰至當作到

李通傳

注上又問必不得已於斯三者何先

注補稿曰問下一本有曰字

王粲傳

注 犖虞決疑要注曰

注補稿曰當是決錄注

注 鍾繇王朗等雖各爲魏卿相

注補稿曰何云各字宋本作名

并同乘並載以遊後園

注補稿曰名勝志西園在鄴城西魏曹不同弟植賓從遊

幸之地也

注 景風扇物天氣和暖

注補稿曰天一本作風

注 謂百年已分長共相保

注補稿曰文選長上有可字

常林傳

其人覆亡將至何暇匡翼朝廷崇立功名乎君其藏之

注補稿曰藏字疑

楊俊傳

舉茂才安陵令

注補稿曰漢書地理志右扶風安陵

杜襲傳

文帝即王位賜爵關內侯及踐阼爲督軍糧御史封武平亭

侯更爲督軍糧執法

注補稿曰此二官魏置

崔林傳

太祖定冀州召除鄜長

注補稿曰漢志太原郡鄜

注又曰生民以來

注補稿曰一本作又有若曰

牽招傳

賊欲斫棺取釘

注補稿曰釘值幾何至乃斫棺取之疑有飾詞

王昶傳

若范匄對秦客至武子擊之

注補稿曰何氏從宋本至作而

王凌傳

後從曹休征吳與賊遇於夾石

注補稿曰何云夾當作硤

注而百姓安之莫或之哀

注補稿曰之字當在或上

遺掾王或謝罪還印綬節鉞

注補稿曰還一作送

母丘儉傳

注思盡驅命以完全杜稷安主爲效

注補稿曰效一本作効

注君侯何若

注補稿曰若字何氏校改爲苦

儉獨與小弟秀及孫重藏水邊草中

注補稿曰寰宇記卷十一關洲在潁州潁上縣西南四十

五里

鄧艾傳

吳名宗大族皆有部曲阻兵仗勢足以建命

注補稿曰何氏校改建作違

鍾會傳

衆既格斬維爭赴殺會

注補稿曰刀劍錄鍾會克蜀於成都土中得一刀文曰太

一會死入帳下王伯昇伯昇渡江遂飛入水

華佗傳

一月之閒卽平復矣

注補稿曰玉潤雜書謂此決無之理人之所以爲人者以形而形之所以生者以氣也佗之藥能使人醉無所覺可以受其剝割與能完養使毀者復合則吾所不能知然腹背腸胃旣已破裂斷壞則氣何由舍安有如是而復生者乎審佗能此則凡受支解之刑者皆可使生王者之刑亦無所復施矣一清案此言非也余戊寅己卯閒在湖有易老人年可百歲能爲破腸滌腸剖膚出骨之術人故不自覺與華佗正相似

注闕豎真無事於斯術也人之逐聲乃至於是

注補稿曰何云寺人受房術殆魏公恐爲人所窺欲轉從

峻學之子桓乃未喻耳

烏丸傳

故得擅漢南之地

注補稿曰漢字何氏校改漢下同

東夷傳東沃沮篇

漢武元封二年

注補稿曰一本武下有帝字

烏丸鮮卑東夷傳評

注扞彌國渠勒國皮亢國

注補稿曰水經河水注皮山國治皮山城去莎車二百八

十里亢字誤

注或云非獨用羊毛也亦用木皮或野繭絲作

注補稿曰或下一本有曰字

蜀志先主傳

注備以瑜所給地少不足以安民後從權借荊州數郡

注補稿曰後字何氏校改復

後主傳

注及備得益州而簡爲將軍

注補稿曰簡豈謂簡雍乎先主即位雍拜昭德將軍

諸葛亮傳

右二十四篇凡十萬四千一百一十二字

注補稿曰隋書經籍志是二十五卷梁二十四卷又有論

前漢事一卷武侯集誠二卷兵法五卷又總集內有武侯

誠一卷

注推子八陣不在孫吳木牛之奇則亦般模

注補稿曰何云亦字宋本作非

馬超傳

於是徵爲衛尉

注補稿曰後漢書獻帝紀建安十七年五月誅衛尉馬騰

夷三族

糜竺傳

芳爲南郡太守

注補稿曰方輿紀要卷七十七糜城在當陽縣東南六十

里三國時糜芳所築

霍峻傳

注高陽呂雅

注補稿曰何云元板高作南

郤正傳

注無所假貸若此人也

注補稿曰一本也作者

呂凱傳

注徙呂氏以充之因曰不韋縣

注補稿曰續郡國志永昌郡不韋注引華陽國志曰孝武

置不韋縣徙南越相呂嘉子孫宗族居之因名不韋以章

其先人之惡

曩者將軍先君雍侯造怨而封

注補稿曰據此則闔乃雍齒後也

楊戲傳季漢輔臣贊陳注

畿曰吾在軍未曾爲敵走

注補稿曰何云曾字華陽國志作習

吳志孫權傳

注每請會賓客常顧權曰此諸君汝之將也

注補稿曰此言亦未實策之英武何遽不及權且亦未便

自料年只二十六倉卒爲人所害也

注補稿曰韋續九品書孫權行草在中中行隸草在中下

六月權令將軍賀齊督糜芳劉邵等襲蘄春邵等生虜宗

注補稿曰寰宇記卷九十三粟山在錢塘縣西十七里輿地志云山下有飛泉二里石杵闊二丈長一丈四尺吳大帝刻黃武二年歲在戊午八月三日十二字餘即漂沒微茫石見存一清案黃武二年歲在癸卯若戊午則赤烏元年也志有誤

二月陸遜討彭旦等其年皆破之

注補稿曰晉書五行志五月江東地震

孫休傳

注是歲得大鼎於建德縣

注補稿曰(上略)又晉書文帝紀十一月吳吉陽督蕭慎

以書詣鎮東將軍石苞偽降求迎帝知其詐使苞外示迎之而內爲之備

注補稿曰寰宇記卷一百一建州建安縣有冥聲廟輿地志云永安二年空中聞人聲於此立廟令人平居泰吉五穀豐登常祈祠有福因而立廟號冥聲廟出建安郡記

注此則骸骨有假物而不朽之効也

注補稿曰宋書五行志孫休後衣服之制上長下短又積領五六而裳居一二干寶曰上饒奢下儉逼上有餘下不足之妖也至孫皓果奢暴恣情於上而百姓彫困於下卒以亡國是其應也又云孫休世烏程民有得困疾及差能以響言者言於此而聞於彼自其所聽之不覺其聲之大

也自遠聽之如人對言不覺聲之自遠來也聲之所往隨其所向遠者不過十數里其鄰人有責息於外歷年不還乃假之使爲責讓懼以禍福負物者以爲鬼神即傾倒界之其人亦不自知所以然也言不從之咎也

孫皓傳

注牧本名密避丁密改名牧丁密避牧改名爲固

注補稿曰二人不知何故改名相避於事無徵也

后妃傳孫和何姬

太子和既廢後爲南陽王居長沙

注補稿曰拾遺記孫和悅鄧夫人嘗於月下舞水精如意誤傷夫人頰血流污袴嬌姘彌苦命太醫合藥醫曰得白

獺髓雜玉與琥珀屑當滅此痕卽購致合膏琥珀太多及
差而有赤點如朱逼而視之更增其妍

孫韶傳

權爲吳王遷揚威將軍封建德侯

注補稿曰宋書州郡志建德吳分富春立

諸葛瑾傳

吳郡太守朱治權舉將也權曾有以望之

注補稿曰孫權有望於朱治殆謂暨艷見張溫傳

薛綜傳

注乃去之竹邑因家焉故遂氏薛

注補稿曰何云此因求信陵後事從而僞造果有之則馬

遷亦載之傳後矣

魯肅傳

注始與豫州觀於長阪

注補稿曰觀字何氏校改觀

潘璋傳

權即分宜都至秭歸二縣爲固陵郡拜璋爲太守封溧陽侯
注補稿曰刀劍錄潘文珪拜偏將軍爲擒關羽拜固陵太
守因造一刀銘曰固陵一清案此郡後并宜都又分爲建
平郡秭歸屬焉

拜平北將軍襄陽太守

注補稿曰此是遙領之郡

好立功夫

注補稿曰何云夫字疑

朱治傳

二年拜安國將軍

注補稿曰刀劍錄朱君理拜安國將軍作一佩刀文曰安

國

朱然傳

注吳志說赤烏五年於魏爲止始二年

注補稿曰三當作二

呂範傳

策亦親戚待之

注補稿曰何云亦字宋本作以

注範出便釋構著袴褶執鞭詣閣下啟事曰構領都督策乃授傳委以眾事

注補稿曰何云曰字宋本作自

注江表傳曰初權移都建業大會將相文武時謂嚴皎曰

注補稿曰何云冊府時作特

朱桓傳

本知季文愴定見之復過所聞

注補稿曰唐人詩有乖覺字即愴也乖愴同音今人習用之蓋吳語也

陸遜傳

嘉禾五年權北征

注補稿曰孫權傳作三年

使遜與諸葛瑾攻襄陽

注補稿曰水經沔水注中廬縣故城南有水出西山山有石穴出馬謂之馬穴山三國時陸遜攻襄陽於此穴得馬數十匹送建業蜀使至有家在滇池者識其馬毛色云其父所乘馬對之流涕其水東流一百四十里逕城南名曰浴馬港言初得此馬洗之於此因以名之亦云乘出沔水浴之又曰洗馬廐渡沔宿處名曰騎亭

注協數以相危小人之近事

注補稿曰協宋本作挾

賀齊傳

注避安帝父孝德皇帝諱

注補稿曰何云帝字是不學人所妄增

十年轉討上饒分以爲建平縣

注補稿曰寰宇記卷一百一建陽縣本上饒縣地建安八年割縣地爲桐鄉至十年平東校尉賀齊討上饒之賊兼舊桐鄉置建平縣晉太康四年改爲建陽

陸凱傳弟胤

復討蒼梧建陵賊

注補稿曰宋書州郡志蒼梧太守領建陵縣吳立

吳範傳

注歷歷山潘陽山陰三縣令

注補稿曰吳時無歷山縣山字疑誤潘當作鄣

趙達吳範劉惇傳評

注便作書寄其家

注補稿曰張溫使蜀時權未稱帝何云陛下且正當魏軍
頻出廣陵洞口權亦不在武昌也且事與魏志所載相似

繚屬妄誕耳

韋曜傳

其所紀載紀多虛無

注補稿曰何氏校改紀作既

清趙一清三國志注補僅有廣東廣雅書局刻本印行不及局中他所刻書之多其版後來不知何在故彙印廣雅叢書時此種遂闕本校出版組今用圖書館藏本影印以廣其傳

廣雅書局當日據刻之稿本現藏南京國學圖書館陶君元珍曾以刻本對炤乃知經校閱者刪削及鈔胥遺漏處頗多因錄出有關考證者若干條以備補遺余君讓之代本校從陶君借得俾印坊本書之後

允亮任校對之事乃編檢趙氏引用諸書逐一勘核其顯然訛脫者則逕爲改正其可以兩存或趙氏所據本與今不同者不敢擅改以存其真補注間有文義不甚可解之處既

無別本可校姑仍其舊

趙氏所讀三國志是當日通行本後漢書亦然卷內凡趙校謂其字宜作某字者今影宋本三國志正作某字又武帝紀并十四州復爲九州條趙注引後漢書獻帝紀注而疑其中充字應爲交字之訛今影宋九行本後漢書正是交字於此足徵趙氏考證之精確亦可見書籍版本之重要假令羣書皆有善本流傳豈不可省考據家多少腦力

二四·六·二十·張允亮